


To sylv til Voss i ro-NM

To sylvmedaljer vart fangsten til roarane frå Voss under ein praktfull NM-dag på Vangsvatnet laurdag. I strålende solskin og med ideelle vindtilhøve rodde fyrst vossabåten med Anny-Mina Lyngstad, Ingeborg Hoel Rekve, Olaug Mala og Inger Geitle Midttun inn til sylv i dobbelfirar. Deretter tok Janka Nakken sylv i singlesculler, berre slått av Kristine Klavness, Christiania, som stod i ein særklasse på kvinnesida i ro-NM.



Gode vossaresultat i ro-NM, og bygda kan føya nok eit vellukka arrangement på lista.

Ro-NM er i gang *Sept-93*



— Idrett på topplan, og god underholdning for publikum, lovar Arild Nakken i Voss Roklubb før Noregsmeisterskapet i roing startar på Vangsvatnet i dag.

(Foto: Sjur Herre)

Frå klokka 9 i dag tidleg er det full rulle med ro-NM på Vangsvatnet. 141 startande frå 24 klubbar deltek, med Lars Bjønsnes og Rolf Thorsen (sylv i VM) i brodden. Dei vil fyrst ro kvalifiseringsheat, før det brakar laust med finalar utpå dagen. Arild Nakken i Voss Roklubb påpeikar at det her er idrett på topplan, og med heilt ideelle tilhøve for publikum, slik at dei får sjå innspurten nedanfor Park Hotel. Nakken oppmodar publikum på det sterkaste til å møta opp, og som kjent er det også vossingar med i medaljestriden.

9,93
Sylv til Voss
i Ro-NM.




Roarane frå Voss sikra seg to sylvmedaljer i ro-NM på Vangsvatnet laurdag. Janka Nakken (biletet) rodde inn til sylv i singlesculler for senior, berre slått av Kongepokal-vinnar Kristine Klaveness. Det andre sylvet tok Voss sine damer i dobbelfirar for junior. Anny-Mina Lyngstad, Inger Geitle Midttun, Ingeborg Hoel Rekve og Olaug Mala rodde inn til ein populær 2. plass på heimebane.

Sjå side 4

Dobbelfirar i framgang

Sept -93



Vossajentene i dobbelfirar jublar etter sylvmedaljer i NM laurdag. Frå venstre Anny-Mi Lyngstad, Inger Geitle Midttun, Ingeborg Hoel Rekve og Olaug Mala.

Voss sine unge rojenter har hatt enorm framgang denne sesongen, og laurdag rodde ein av dobbelfirarane inn til sylv i NM. Rett nok vart dei slått med 21 sekundar av Christiania, med ein båt der tre av roarane deltok i VM og skaffa båten ein 4. plass tidlegare i sommar.

— For ei tid sidan slo dei oss med over eitt minutt, så me har teke godt innpå dei. Alt i alt er me veldig godt

nøgde med innsatsen vår, fortel Anny-Mina Lyngstad (16) og Inger Geitle Midttun (14), to av dei fire sylvjentene frå Voss.

I løpet laurdag opna Voss kjempegodt, og gjekk heilt opp i teten. Men så kom Christiania, og stakk etter kvart av.

Av dei fire vossajentene er det berre Olaug Mala som vert senior neste år. Dei tre andre held fram som junio-

rar, og får selskap av fleire andre lovande jenter.

— I år har NM vore det store målet, og neste år kjem me til å jobba mot deltaking i junior-nordisk. No trenar me fire-fem gonger for veka — i sesongen stort sett på vatnet, og om vinteren er det styrketrening og løping. Trenarane våre stiller opp og gjer ein veldig god jobb, meiner Anny-Mina Lyngstad og Inger Geitle Midttun.

Kristine Klaveness sikra seg totalt tre NM-gull, og fekk også Kongepokalen for løpet der ho slo Janka Nakken med 14,4 sekund. På herresida gjekk Kongepokalen til Kjetil Undset frå Stavanger, etter at han i singlesculler utklassa toppnamn som Lars Bjønnes og Rolf Thorsen.

«Veldig bra»

Og begge to Kongepokal-

og firaren som tok sylv har hatt enorm framgang denne sesongen.

— Dei fleste av våre roarar er yngre enn konkurrentane, så her er det mykje å byggja på. For kort tid sidan

vinnarane var strålende tilfreds med NM på Voss.

— Eg var her på NM i 1988, og det var ei dårleg oppleving med sterk vind og mykje utsetjingar. Eg frykta difor «tornado» igjen, men dette har vore utruleg positivt. Arrangementet har vore veldig bra, med presis start på alle løp, og banen og veret har vore heilt topp. Det er tydeleg at tilskiparane har mo-

bilisert det dei kan, seier Kjetil Undset, med full støtte frå Kristine Klaveness.

Fleire gode frå Voss

Av resultatata til vossingane elles i NM er det verdt å merka seg Olaug Mala sin 5. plass i junior singlesculler. Trenar Arild Nakken påpeikar at Olaug har delteke i konkurransar i berre to år, og at innsatsen lovar veldig bra.

— Ho vert senior neste år, og har vilje og evne til å jobba vidare. Ho kan verta ein svært god roar, og eg trur me skal få mykje glede av ho framover, seier Nakken.

Elles vart det 4. plass til Voss sin andre dobbelfirar i juniorklassen. Silje Solvi, Gro Kvitne, Torunn Grove og Heidi Jacobsen kom inn 7,5 sekund etter Ormsund på tredjeplassen. Både denne firaren

låg begge våre båtar over minuttet etter Christiania. Denne gongen var våre båtar berre 21 og 43 sekundar etter, påpeikar Arild Nakken. Han dreg fram trenar Truls Ingebrigtsen, som har gjort ein kjempejobb.



Kongepokalvinnarane Kjetil Undset frå Stavanger og Kristine Klaveness frå Christiania Roklubb, etter premieutdelinga nedanfor Park Hotell.

Janka har lyst å ta gull

— Eg har fire-fem NM-sylv frå før, og no hadde det vore veldig artig med gull, også!, seier Janka Nakken etter ro-NM på heimebane. Janka hadde vona kanskje å ta gullet laurdag, men fekk diverre ikkje fullklaff, og var ikkje nøgd med løpet sitt som resulterte i endå ei sylvmedalje. Sundag, derimot, rodde ho mykje betre.



— Differansen på 14,5 sekund fram til Kristine Klaveness laurdag vart for stor. På dei fyrste 1000 metrane kjempa me likt, men deretter sette ho opp farten, og eg klarde ikkje å fylgja. Fysisk og psykisk fungerte det godt for meg, men teknisk var eg rett og slett ikkje god nok, fortel vossajenta, som no har flytta austover og studerer kjemi ved Universitetet i Oslo.

Fekk gode råd

— Eg har tapt meg teknisk dei siste seks vekene, etter at me avslutta opplegget me har hatt gjennom roforbundet. Sidan den tid har eg ikkje fått oppfølging, og det går ikkje. Heldigvis fekk eg gode råd frå eit par trenarar laurdag kveld, og sundag fann eg rytmen på ein heilt annan måte, fortel ho.

Sundag — i Voss i Sen-

trum-regattaen — hadde ho full kontroll, og slo mellom anna Kristine Klaveness med nesten 11 sekund.

Janka legg ikkje skjul på at ho har hatt ein vanskeleg sesong. Opphavelag var planen at ho skulle satsa på dobbelsculler saman med Tonje Riberg, NSR. Men Tonje har vore veldig mykje sjuk, og dermed har det aldri fungert. I staden har den stadige uvisse vore eit uromoment.

Vil til VM

— Neste sesong skal eg læra av feila eg har gjort i år. Eg skulle gjeve beskjed tidlegare, og trekt meg ut av båten, men eg ville ikkje gjera det fordi eg var redd for å verka «blærete» og høg på pæra. No innser eg at eg ikkje har høve til å bruka så mykje tid og pengar på rosporten, for så å gå rundt og vera søt og snill. Neste sesong satsar eg difor

for fullt på singlesculler. Då er det opp til berre meg sjølv, seier Janka.

I sesongen køyrer ho opp til 12-13 økter for veka, med om lag 20 timar trening. Mellom ambisjonane neste år, er å kjempa om ein plass på Noreg sitt VM-lag.

— I år er dei viktigaste konkurransane over. No skal eg kosa meg mellom anna med å ro ein universitetsåttar i Nederland og Ulvøya rundt i Oslo, som er litt meir uhøgtidelege løp, fortel Janka Nakken.

Janka Nakken kjempar for fullt driv om NM-gull, men fekk det ikkje til å klaffa teknisk, og måtte ta til takke med nok ei sylvmedalje.

Prikkfritt arrangement

Hordaland Rokrets, med hovudtyngda i Voss Roklubb, fekk berre positive tilbakemeldingar frå aktive og leiarar etter ro-NM på Voss med helga. Fleire meinte endåtil at dette var det beste ro-arrangementet i Noreg i år.

— Det føler me sjølv, også. Me klarde å yta god service og skapte ei fin ramme rundt regattaen. Når me i tillegg har kjempeflaks og får slikt vær som me berre kan drøyma om, så utgjer det nesten halve arrangementet, seier Arild Nakken, ein av dei mest sentrale personane i ro-NM.

Tidlegare i veka, fram til onsdag, var vinden så sterk at NM ikkje kunne vorte avvikla på Vangsvatnet. I da-

gane framover er det også meldt dårleg vær, så med helga hadde roarane absolutt fullklaff med fantastisk vær.

— Eg trur Vangsvatnet er einaste roarenaen i landet som ligg så nær sentrum og overnattingsstadene, og dermed med gode høve for deltakarane til å rusla ein tur på Vangen eller slappa av mellom løpa. Dei fleste roarenaer ligg langt uti skogen, der du berre vert gåande og trakka heile dagen.

Ut frå det me har fått til denne gongen, bør det ikkje vera vanskeleg å få gjennomslag for eit nytt NM etter høvet fort igjen. Kor lenge det går før me søker, må me vurdere. Men i alle fall er Voss ein populær plass mellom dei aktive, seier Arild Nakken.

Rett nok var det litt kaldt då løpa starta klokka 9 på morgonkvisten, men roarane kledde på seg både overtrekksdrakter, vottar og hu-

ver, og ingen leid naud ute på vatnet. Etter kvart som sola fekk tak, vart det skikkeleg varmt og fint.

— No står det att å rigga ned banen, noko som vil verta gjort av roarane sine foreldre. 1200 blåser skal hek-

tast av, og deretter skal sju strekk med wire tromlast inn. I alt er det 16 kilometer med wire, fortel Arild Nakken.

Økonomisk reknar Nakken med at Hordaland Rokrins får eit solid overskot. Penga-

ne skal nyttast til å sanera ei slitande gjeld frå NM i '88. Dessutan vonar han at banen kan byggjast ut ytterlegare neste år, med mellom anna dommartårn og fast startordning.



Arild Nakken var speaker frå båten under løpa, og kan saman med staben i Hordaland Rokrets sjå tilbake på eit svært bra NM på Vangsvatnet.

Voss til topps under U-NM i roing ^{Sept -93}

Best i landet! Jentene frå Voss Roklubb gjekk heilt til topps i uoffisielt ungdoms-NM. I tillegg til vandrepokal for beste lag vart det og fire finale-sigrar. Meisterskapen gjekk i Horten sundag, med i alt 21 roklubbar på vatnet.



Rask roar frå Voss Roklubb. Ingeborg Hoel Rekve (15) sat i tre av dei fire båtane frå Voss som gjekk til topps i Ungdomsmeisterskapen i Horten sundag. (Foto: Vidar Herre)

GEIR ARNE ASPEBAKKEN

— Dette var rett og slett ein topp prestasjon, og resultatet viser at det skjer saker i Voss Roklubb. No var vi avgårde med 15 jenter. For to år sidan var eg på tilsvarende meisterskap i Horten med to jenter. I fjor vart me nummer 12 av i alt 19 klubbar, fortel trenar Truls Ingebrigtsen.

Som beste klubb fekk vossingane med seg heim ein stor vandrepokal. Med 70 poeng var Voss Roklubb heilt suverene. Fana kom på 2. plass med 55, Christiania på 3. med 51 og Horten på 4. med 48 poeng.

Mange på pallen

Resultatlistene for jenter viser at Voss Roklubb ofte var representert på sigerspallen.

Fire båtar gjekk heilt til topps i Ungdomsmeisterskapen 1993.

I klassen jenter 16 år, dobbeltskuller, vart det dobbeltsiger til Voss. Ingeborg Hoel Rekve og Anny-Mina Lyngstad vann føre Torunn Grove og Inger Geitle Midttun. Siri Midttun og Heidi Jacobsen rodde inn til 5. plass i denne båtklassen.

I jenter 13 år singelskuller

var det og to frå Voss på sigerspallen. Synne Persen vart nummer to og Åsne Brita Bjørnstad nummer tre.

I klassen jenter 14 år, dobbeltskuller, vart Voss nummer seks. I båten sat Åsne Brita Bjørnstad og Kristense Vinje.

I jenter 15 år dobbeltskuller vart det ny dobbeltsiger til Voss. Ingeborg Hoel Rekve vann føre Inger Geitle Mid-

tun.

Voss vann og to klassar med dobbeltfirar. I jenter 18 år sat desse i båten: Heidi Jacobsen, Silje Solvi, Gro Kvitne og Olaug Mala. I jenter 16 år sat desse i båten: Torunn Grove, Inger Geitle Midttun, Ingeborg Hoel Rekve og Anny-Mina Lyngstad.

I jenter 16 år singelskuller vart Anny-Mina Lyngstad nummer to, berre eitt sekund

bak vinnarbåten. Heidi Jacobsen var på si side berre halvsekundet frå tredje-plassen.

I klassen jenter 18 år vart det tredje-plass til Olaug Mala. Her var ho berre 0,3 sekund bak båt nummer to.

Råsterke rojenter

avg - CB

— Eg visste at me var sterke, men at me er så dominerande på Vestlandet — det overraska meg! Trenar Arild Nakken i Voss Roklubb rår over ein gjeng jenter som er heilt suverene

NILS KVAMSDAL

Voss Roklubb hadde 18 ulike båtar på vatnet under krinsmeisterskapen på Askøy. 16 av båtane tok medalje, og dei to som ikkje gjorde det, var med i klassar der vossingane alt hadde teke alle tre medaljene.

Resultata: Damer jr A (opp til 18 år): Dobbelsculler (2X): Nr 1 Miriam Steinstrøm Haugen/Olaug Mala. Singelsculler (1X): Nr 2 Olaug Mala, nr 3 Miriam Steinstrøm Haugen. Dobbelfirar (4X): Nr 1 Voss — Siri Midttun, Gro Kvitne, Heidi Jacobsen, Olaug Mala.

Damer jr B (opp til 16 år):

1X: Nr 1 Anny-Mina Lyngstad, nr 2 Ingeborg Hoel Rekve, nr 3 Inger Geitle Midttun, nr 5 Torunn Grove. 2X: Nr 1 Inger Geitle Midttun/Any-Mina Lyngstad, nr 2 Torunn Grove/Ingeborg Hoel Rekve, nr 3 Gro Kvitne/Silje Solvi, nr 4 Heidi Jacobsen/Siri Midttun. 4X: Nr 1 Voss — Anny-Mina Lyngstad/Ingeborg Hoel Rekve/Inger Geitle Midttun/Torunn Grove.

Damer jr C (opp til 14 år): 1X: Nr 1 Synne Persen, nr 2 Rønnaug Lilletveit, nr 3 Kristense Vinje. 2X: nr 1 Synne Persen/Kristense Vinje, nr 2 Rønnaug Lilletveit/

med eit årepar i hendene. Sist sundag stilte jentene frå Voss Roklubb til start i åtte klassar under KM på Askøy, og dei vann sju av klassane!


Katrine Osgjerd.

Jentene som deltok i c-klassen er heilt ferske, og dette var den fyrste ragattaen dei deltok i. Likevel vart det altså tredobbelt i singelsculler og dobbelt i dobbelsculler!

Den einaste klassen vossingane deltok i utan å gå til topps, var singelsculler damer jr A. Den vart vunnen av ei bergensjente som var reserve under VM, men med to vossingar på dei neste plassane.

— Voss Roklubb er vorten ein rein jenteklubb, på same måte som Kristiania Roklubb no også er det. Eg mis-

tenkjer gutane for å vera litt redde for å prøva seg — for då risikerer dei å måtta læra av desse tøffe jentene! seier trenar Truls Ingebrigtsen. Til helga tek han jentene med seg til Vingersjø Regatta i Kongsvinger. Her får vossingane også svenske konkurrentar. Og fjorten dagar etter dreg dei ynskte til ungdomsmeisterskapen i Horten. Det er eit uoffisielt NM for dei under 16 år. Ingen bør verta overraska om jentene kjem heim att med en eller fleire medaljer!



Trenarane Arild Nakken (t.h.) og Truls Ingebrigtsen i spissen for ein tøff jentegjeng og krinsmeistrar i fleng: Frå høgre: Kristense Vinje, Synne Persen, Rønnaug Lilletveit, Silje Solvi, Heidi Jacobsen, Ingeborg Hoel Rekve, Torunn Grove, Inger Geitle Midttun og Anny-Mina Lyngstad. Olaug Mala, Siri Midttun, Katrine Osgjerd og Miriam Steinstrøm Haugen var ikkje på trening då biletet vart teke.

Sterk roinnsats av vossajenter

Jentene frå Voss Roklubb gjorde ein fin innsats i to regattaer på Tunevann ved Sarpsborg søndag og måndag. I fylgje trenar Arild Nakken leverte jentene overraskande gode resultat i

konkurranse med dei beste i Noreg. Pinse-innsatsen lovar det beste framover, ikkje minst med tanke på høgdepunktet — NM på Voss i september.

GEIR GEITLE

Sundag 1. pinsedag gjekk «Nord-sprinten», og i dobbelsculler over 500 meter hevda vossingane seg godt i klasse junior B (14 og 15 år). Kristiania Roklubb vann, men på 2. plass kom Inger G. Midttun og Heidi Jacobsen, på 3. plass kom Torunn Grove og Anny-Mina Lyngstad, og på 5. plass kom Siri Midttun og Ingeborg Hoel Rekve. I alt tre vossabåtar i finaleheatet, som talde seks båtar.

I dobbelfirar rodde Silje Solvi, Inger Midttun, Inge-

borg Hoel Rekve og Anny-Mina Lyngstad inn til siger på ei svært sterk tid. I konkurranse med tre seniorbåtar tok dei unge vossajentene 2. plass i heile feltet!

I klasse junior A (16 og 17 år) rodde Torunn Grove, Heidi Jacobsen, Gro Kvitne og Olaug Mala seg inn til siger. Her er Olaug Mala einaste som held junior-A-alder, medan dei tre andre er yngre.

I dobbelsculler vart det 4. plass til Olaug Mala og Gro Kvitne, medan det vart siger i klasse senior A til Tonje Riberg og Janka Nakken.

Måndag 2. pinsedag gjekk «Tunevanns-regattaen», som tel med i Noregscupen. I dobbelsculler klasse junior B vart det 3. plass til Inger Midttun og Ingeborg Hoel Rekve, 4. plass til Silje Solvi og Gro Kvitne og 5. plass til Heidi Jacobsen og Torunn Grove.

Dobbelfiraren med Torunn Grove, Heidi Jacobsen, Ingeborg Hoel Rekve og Inger Midttun rodde inn til 2. plass, etter sterk avslutning.

I dobbelsculler klasse junior A vart det 3. plass til Olaug

Mala og Anny-Mina Lyngstad. I dobbelfirar i same klasse vart det 4. plass til Siri Midttun, Olaug Mala, Gro Kvitne og Anny-Mina Lyngstad.

I klasse senior A vart det 2. plass til Tonje Riberg og Janka Nakken.

— Jentene viste at det er tæl i dei, og det vert spennande å sjå kor mange poeng me klarar å sankar i Noregscupen. Om 14 dagar deltek me i nye regattaer på Årungen, fortel trenar Arild Nakken.

Sensasjonell rosiger

Sundag stod rojentene til Voss Roklubb for ein prestasjon som så langt truleg saknar sidestykke i klubben si søge. Dobbelfiraren i kvin-

ner junior B slo nemleg storfavoritten Christiania Roklubb og vann dermed noregscupløpet i Kongsvinger.

NILS KVAMSDAL

Christiania Roklubb har vore totalt dominerande på jentesida i ei årrekke, og dette var fyrste gong ein norsk klubb har slått Oslo-klubben i denne regattaen.

— Difor var då også dei andre austlandsklubbane like

glade som oss. Endeleg var det nokon som hadde slått Christiania-jentene, fortel trenar Truls Ingebrigtsen.

Dobbelfiraren frå Voss har alltid tapt klart for Christiania, så også tidlegare i år. Og det såg heller ikkje ut som det skulle gå vossingane sin veg denne gongen — ikkje

minst etter at eit transportuhell gjorde at dei måtte ro i lånt båt.

— Men jentene hadde sett seg føre å gje autslendingane kamp på kniven. Dei låg ei heile lengde etter då det var hundre meter att, men så var det som om jentene våre «eksploberte», og i mål var

dei eitt sekund føre. Dei vann på rein vilje, fortel ein stor-nøgd trenar Ingebrigtsen.

Junior B er klassen opp til 16 år, og i båten sat Torunn Grove, Inger Midttun, Ingeborg Hoel Rekve og Anny-Mina Lyngstad.

Gode ro-resultat av vossajenter

Vossajentene markerte seg på nytt sterkt i Noregscupstemnet i roing på Årungen med helga. Siger vart det til Janka Nakken og Tonje Riberg i dobbelsculler i kvinner klasse A etter eit godt løp, der dei kom i mål 15 sekundar før båt nr 2.

GEIR GEITLE

Etter ein del sjukdom hjå Tonje Riberg fungerer no båten godt att, sjølv om dei framleis har ein del å ta att. Me no kan dei også sjå fram til internasjonale oppgåver.

Janka Nakken tok elles 2. plass i singelsculler søndag, eit løp ho ikkje var heilt tilfreds med. Ho vann klart klassen for 14 dagar sidan, og meiner ho har meir inne enn ho tok ut dette løpet.

Elles stilte vossingane mange båtar. I dobbelfirar klasse junior B (14 og 15 år), vart det 2. plass til Torunn Grove, Heidi Jacobsen, Gro Kvitne og Anny-Mina Lyngstad. 3. plassen tok Siri Midttun, Silje Solve, Inger Geitle Midttun og Ingeborg Hoel Rekve.

I junior A (16 og 17 år) vart det 3. plass til Torunn Grove, Olaug Mala (einaste med junior A-alder), Gro Kvitne og Anny-Mina Lyngstad.

Søndag vart Voss sin båt i dobbelsculler klasse junior A

slått ut i semifinalen med 4. plass. Men i klasse junior B hadde Voss fire båtar i finalen. Her vart det 3. plass til Inger Geitle Midttun og Ingeborg Hoel Rekve, 4. plass til Torunn Grove og Anny-Mina Lyngstad, 5. plass til Gro Kvitne og Heidi Jacobsen og 6. plass til Silje Solvi og Siri Midttun.

I dobbelfirar for damer junior B vart det 2. plass til Torunn Grove, Inger Geitle Midttun, Gro Kvitne og Ingeborg Hoel Rekve.

— Samla sett er me svært tilfreds, endå meir enn me var etter dei gode regattaene i Sarpsborg for 14 dagar sidan. Eg trur me vil markera oss endå sterkare igjen i neste Noregscup på Årungen om 14 dagar, seier trenar Arild Nakken, som dreg fram hovudtrenar Truls Ingebrigtsen sin innsats.

— Han har gjort ein kjempejobb, og har lagt grunnlaget for at jentene er komne der dei er i dag. Jentene er elles ein fin gjeng å jobba med, fortel Arild Nakken.

Bra av Janka i København

IR ARNE ASPEBAKKEN

Sist helg deltok Janka Nakken i den store internasjonale rogatten i København. Ho rodde dobbelsculler begge dagar saman med sin faste makker Tonje Riberg.

— Det gjekk dårleg laurdag, men veldig bra søndag. Laurdag vart me sist av fire båtar. Søndag vart me nummer fire av seks, men då slo me ein av båtar frå fredag og tok inn ti sekundar dei beste i høve til dagen før. Me rodde vel vårt raskaste løp

hittil, fortel Janka Nakken på telefon frå Rohuset på Årungen.

Der har ho trent saman med Tonje på heil-tid dei siste 14 dagane. Onsdag kveld kom Janka heim til Voss, og til helga stiller ho på Vangsvatnet.

— Då me ikkje får transport til båten vår, vert ikkje Tonje med til Voss, så der er eg påmeldt i singelsculler. Me har og planar om å møtast at i den gamle dobbelfiraren til Voss Roklubb. Det hadde vore kjekt om me hadde fått til det, meiner Janka Nakken.

Kommunestyret vil ha roanlegg på Vangsvatnet

Voss Kommunestyre gjekk torsdag inn for å stø fylkesanlegget for rosport med 250.000 kroner. Vilåret er at pengane vert tekne frå kraftfondet, og kommunestyret vil ikkje binda seg opp til å løyva tilsvarande summar dei komande tre utbyggingsstega. Sverre Ottestad (KrF) røysta i mot løyvinga, og kalla vossingane «anleggsfikserte».

ANNE RIVENES

Ottestad laut tåla å verta kalla «mørkemann» og «svartmålar» etter sitt lange og glødande innlegg mot roanlegg. Han stilte spørjeteikn ved måten å bruka kommunen sine pengar på, og meinte ringverkna-dane kunne verta større ved å kjøpa inn robåtar og kanoar til ålmenn nytting, i staden for å løyva store summar til ei noko snever sportsgruppe.


Sjølv meinte Ottestad at «svartmåling» ikkje var rette

karakteristikken.

— Eg vil heller kalla det for realitetsorientering. Me kan ikkje lata att augo for andre behov i kommunen. Fyrst når dei svakare gruppe-ne har fått det dei treng, kan me løyva til meir ressurssterke grupper, meinte KrF-representanten.

Han fekk ikkje støtte frå partifelle Inger Kløve, for ho røysta for løyvinga med grunngjeving i pengane som

Framhald siste side 2



Hans Bru, leiar i Hordaland Rokrets, trur ikkje at Voss kommune vil «sjøsetja ein båt utan årer», og reknar såleis med løyvingar kvart år til heile roanlegget på Vangsvatnet står klart.

(Arkivfoto: Sjur Herre)

Seks vestlands-meistrar frå Voss

Roarane frå Voss Roklubb sikra seg i alt seks vestlands-meisterskap i regattaen «Voss i Sentrum» som vart avvikla søndag på Vangsvatnet.

I singlesculler for senior gjekk Janka Nakken til topps, klart framføre sine konkurrentar etter eit godt løp.

I dobbelfirar for damer junior A vart Torunn Grove, Silje Solvi, Gro Kvitne og Olaug Mala nr 3, men med Christiania og Ormsund føre seg, var det båten frå Voss

som vart vestlandsmeister.

I dobbelfirar junior B vann Voss med Anny-Mina Lyngstad, Inger Geitle Midttun, Ingeborg Hoel Rekve og Heidi Jacobsen i båten.

I plastsculler for junior B vart Anny-Mina Lyngstad nr 2 etter Ingrid Gjessing frå Christiania, og Anny-Mina hadde dermed dei andre vestlendingane bak seg. Heidi Jacobsen vart nr 5.

I plastsculler for junior C deltok tre vossingar: Åsne B. Bjørnstad som vestlandsmeister, Synne Persen

vart nr 2 og Kristensevinje nr 3.

I dobbelsculler junior vart Inger G. Midttun Ingeborg H. Rekve nr 2 bak Christiania, og vossalaget vart vestlandsmeister. i klasse B vart Gro Kvitne og Torunn Grove nr 3

Silje Solvi og Siri Midttun nr 4 Elles vart Katrine Østerd og Rønnaug Lilletveit nr 3 junior C plastdobbelsculler og Olaug Mala nr 7 i junior A i singlesculler.